

大唐西域記卷四

十五國

磤迦國

至那僕底國

闍爛達羅國

屈居勿反露多國

設多圖盧國

波理夜咀羅國

秣菟羅國

薩他沉濕伐羅國

率祿勤那國

秣底補羅國

婆羅吸摩補羅國

瞿毗霜那國

聖醯掣咀羅國

毗羅刪拏國

劫比他國

磤迦國周萬餘里東據毗播奢河西臨信度河國大都城周

大唐西域記卷四

二十餘里宜粳稻多宿麥出金銀鍮石銅鐵時候暑熱土多風颭風俗暴急言辭鄙褻衣服鮮白所謂僑奢耶衣朝霞衣等少信佛法多事天神伽藍十所天祠數百此國已往多有福舍以贍貧匱或施藥或施食口腹之資行旅無累

大城西南十四五里至奢羯羅故城垣堵雖壞基址尚固周二十餘里其中更築小城周六七里居人富饒卽此國之故都也數百年前有王號摩醯邏矩羅唐言大族都治此城王諸印度有才智性勇烈隣境諸國莫不臣伏機務餘間欲習佛法令於僧中推一俊德時諸僧徒莫敢應命少欲無爲不求聞達博學高名有懼威嚴是時王家舊僮染衣已久辭論清雅言談贍敏衆共推舉而以應命王曰我敬佛法遠訪名僧衆

推此隸與我談論常謂僧中賢明肩比以今知之夫何敬哉
於是宣令五印度國繼是佛法並皆毀滅僧徒斥逐無復子
遺

摩揭陀國婆羅阿迭多王

唐言幻日

崇敬佛法愛育黎元以大族

王淫刑虐政自守疆場不供職貢時大族王治兵將討幻日
王知其聲問告諸臣曰今聞寇至不忍鬪其兵也幸諸僚庶
赦而不罪賜此微軀潛行草澤言畢出宮依緣山野國中感
恩慕從者數萬餘人棲竄海島大族王以兵付弟浮海往伐
幻日王守其阨險輕騎誘戰金鼓一震奇兵四起生擒大族
反接引現大族王自愧失道以衣蒙面幻日王踞獅子牀羣
官周衛乃命侍臣告大族曰汝露其面吾欲有辭大族對曰

大唐西域記卷四

二

臣主易位怨敵相視既非交好何用面談再三告示終不從
命於是宣令數其罪曰三寶福田四生攸賴苟任豺狼傾毀
勝業福不祐汝見擒於我罪無可赦宜從刑辟時幻日王母
博聞強識善達占相聞殺大族也疾告幻日王曰我嘗聞大
族奇姿多智欲一見之幻日王命引大族至母宮中幻日母
曰嗚呼大族幸勿恥也世間無常榮辱更事吾猶汝母汝若
吾子宜去蒙衣一言面對大族曰昔為敵國之君今為俘囚
之虜隳廢王業亡滅宗祀上愧先靈下慚黎庶誠恥面目俯
仰天地不能自喪故此蒙衣王母曰興廢隨時存亡有運以
心齊物則得喪俱忘以物齊心則毀譽更起宜信業報與時
推移去蒙對語或存軀命大族謝曰苟以不才嗣膺王業刑

政失道國祚亡滅雖在縲紲之中尚貪旦夕之命敢承大造面謝厚恩於是去蒙衣出其面王母曰子其自愛當終介壽已而告幻日王曰先典有訓宥過好生今大族王積惡雖久餘福未盡若殺此人十二年中菜色相視然有中興之氣終非大國之王當據北方有小國土幻日王承慈母之命愍失國之君媵以稚女待以殊禮總其遺兵更加衛從來出海島大族王弟還國自立大族失位藏竄山野北投迦濕彌羅國迦濕彌羅王深加禮命愍以失國封以土邑歲月旣淹率其邑人矯殺迦濕彌羅王而自尊立乘其戰勝之威西討健馱邏國潛兵伏甲遂殺其王國族大臣誅鋤殄滅毀萃堵波廢僧伽藍凡一千六百所兵殺之外餘有九億人皆欲誅戮無

大唐西域記卷四

三

遺噍類時諸輔佐咸進諫曰大王威懾強敵兵不交鋒誅其首惡黎庶何咎願以微躬代所應死王曰汝信佛法崇重冥福擬成佛果廣說本生欲傳我惡於未來世乎汝宜復位勿有再辭於是三億上族臨信度河岸殺之三億中族下沉信度河流殺之三億下族分賜兵士於是持其亡國之貨振旅而歸曾未改歲尋卽殂落殂落之時雲霧冥晦大地震動暴風奮發時證果人愍而歎曰枉殺無事毀滅佛法墮無間獄流轉未已

奢羯羅故城中有一伽藍僧徒百餘人並學小乘法世親菩薩昔於此中製勝義諦論其側窰堵波高二百餘尺過去四佛於此說法又有四佛經行遺迹之所

伽藍西北五六里有窣堵波高二百餘尺無憂王之所建也
是過去四佛說法之處

新都城東北十餘里至石窣堵波高二百餘尺無憂王之所
建也是如來往北方行化中路止處印度記曰窣堵波中有
多舍利或有齋日時放光明從此東行五百餘里至至那僕

底國北印
度境

至那僕底國周二千餘里國大都城周十四五里稼穡滋茂
果入稀疏編戶安業國用豐贍氣序温暑風俗怯弱學綜真
俗信兼邪正伽藍十所天祠八所

昔迦膩色迦王之御宇也聲振隣國威被殊俗河西蕃雜畏
威送質迦膩色迦王既得質子賞遇隆厚三時易館四兵警

大唐西域記卷四

衛此國則質子冬所居也故曰至那僕底唐言漢封質子所居因

為國號此境已往洎諸印度土無梨桃質子所植因謂桃曰

至那你唐言漢持來梨曰至那羅闍弗咀邏唐言漢王子故此國人深

敬東土更相指告語是我先王本國人也

大城東南行五百餘里至荅秣蘇伐那僧伽藍唐言闍林僧徒三

百餘人學說一切有部象儀肅穆德行清高小乘之學特為

博究賢劫千佛皆于此地集天人眾說深妙法釋迦如來涅

槃之後第三百年中有迦多衍那舊曰迦旃延訛也論師者於此製

發智論焉

闍林伽藍中有窣堵波高二百餘尺無憂王之所建也其側
則有過去四佛座及經行遺迹之處小窣堵波諸大石室鱗

次相望不詳其數並是劫初已來諸果聖人於此寂滅差難
備舉齒骨猶在繞山伽藍周二十里佛舍利窣堵波數百千
所連隅接影從此東北行百四五十里至闍爛達羅國北印
度境
闍爛達羅國東西千餘里南北八百餘里國大都城周十二
三里宜穀稼多粳稻林樹扶疎花果茂盛氣序溫暑風俗剛
烈容貌鄙陋家室富饒伽藍五十餘所僧從二千餘人大小
一乘專門習學天祠三所外道五百餘人並塗灰之侶也此
國先王崇敬外道其後遇羅漢聞法信悟故中印度王體其
淳信五印度國三寶之事一以總監混彼此忘愛惡督察僧
徒妙窮淑**應**故道德著聞者竭誠敬仰戒行虧犯者深加責
罰聖迹之所並皆旌建或窣堵波或僧伽藍印度境內無不

大唐西域記卷四

五

周徧從此東北踰峻嶺越洞谷經危途涉嶮路行七百餘里

至屈

居勿
反露多國北印
度境

屈露多國周三千餘里山周四境國大都城周十四五里土
地沃壤穀稼時播花果茂盛卉木滋榮旣隣雪山遂多珍藥
出金銀赤銅及火珠雨石氣序逾寒霜雪微降人貌矍鑿旣
瘦且尪性剛猛尚氣勇伽藍二十餘所僧徒千餘人多學大
乘少習諸部天祠十五異道雜居依巖據嶺石室相拒或羅
漢所居或仙人所止國中有窣堵波無憂王之所建也在昔
如來曾至此國說法度人遺迹斯記從此北路行八九百里
道路危險踰山越谷至洛護羅國此北二千餘里經途艱阻
寒風飛雪至秣羅娑國亦謂三
波詞國自屈露多國南行七百餘里

越大山濟大河至設多圖盧國

北印度境

設多圖盧國周二千餘里西臨大河國大都城周十七八里
穀稼殷盛果實繁茂多金銀出珠珍服用鮮素裳衣綺靡氣
序溫熱風俗淳和人性善順上下有序敦信佛法誠心質敬
王城內外伽藍十所庭宇荒涼僧徒尠少城東南三四里有
宰堵波高二百餘尺無憂王之所建也傍有過去四佛坐及
經行遺迹之所復從此西南行八百餘里至波理夜咀羅國

中印度境

波理夜咀羅國周三千餘里國大都城周十四五里宜穀稼
豐宿麥有異稻種六十日而收穫焉多牛羊少花果氣序暑
熱風俗剛猛不尚學藝信奉外道王吠奢種也性勇烈多武

大唐西域記卷四

六

略伽藍八所傾毀已甚僧徒寡少習學小乘天祠十餘所異
道千餘人從此東行五百餘里至秣菟羅國

中印度境

秣菟羅國周五千餘里國大都城周二十餘里土地膏腴稼
穡是務庵沒羅果家值成林雖同一名而有兩種小者生青
熟黃大者始終青色出細班氎及黃金氣序暑熱風俗善順
好修真福崇德尚學伽藍二十餘所僧徒二千餘人大小二
乘兼攻習學天祠五所異道雜居有三宰堵波並無憂王所
建也過去四佛遺迹甚多釋迦如來諸聖弟子遺身宰堵波
謂舍利子舊曰舍利子又曰舍利弗訛略也沒特伽羅子舊曰目乾連訛略也布刺拏
梅咀麗衍尼弗咀羅唐言滿慈子舊曰彌多羅尼子訛畧也優波釐阿難陀羅
怛羅舊曰羅睺羅又曰羅雲告訛略也曼殊室利唐言妙吉祥舊曰滿首又

利譯曰妙德訛也

諸菩薩率堵波等每歲三長及月六齋僧徒相競率其同好資持供具多營奇玩隨其所宗而致像設阿毗達磨衆供養舍利子習定之徒供養沒特伽羅子誦持經者供養滿慈子學毗柰耶衆供養優波釐諸苾芻尼供養阿難未受具戒者供養羅怛羅其學大乘者供養諸菩薩是日也諸率堵波競修供養珠旛布列寶蓋駢羅香烟若雲花散如雨蔽虧日月震蕩谿谷國王大臣修善爲務城東行五六里至一山伽藍疏崖爲室因谷爲門尊者邬波鞠多唐言近護之所建也其中則有如來指爪率堵波

伽藍北巖間有石室高二十餘尺廣三十餘尺四寸細籌填積其內尊者近護說法化導夫妻俱證羅漢果者乃下一籌

大唐西域記卷四

七

異室別族雖證不記石室東南二十四五里至大涸池旁有率堵波在昔如來行經此處時有獼猴持蜜奉佛佛令水和普徧大衆獼猴喜躍墮坑而死乘茲福力得生人中

池北不遠大林中有所過去四佛經行遺迹其側有舍利子沒特伽羅子等千二百五十大阿羅漢習定之處並建率堵波以記遺迹如來在世屢遊此國說法之所並有封樹從此東

北行五百餘里至薩他泥濕伐羅國

中印度境

薩他泥濕伐羅國周七千餘里國大都城周二十餘里土地沃壤稼穡滋盛氣序温暑風俗澆薄家室富饒競爲奢侈深閑幻術高尚異能多逐利少務農諸方奇貨多聚其國伽藍三所僧徒七百餘人並皆習學小乘法教天祠百餘所異道

甚多

大城四周二百里內彼土之人謂爲福地聞諸先志曰昔五印度國二王分治境壤相侵干戈不息兩王合謀欲決兵戰以定雌雄以寧氓俗黎庶胥怨莫從君命王以爲衆庶者難與慮始也神可動物權可立功時有梵志素知高才密賚束帛命入後庭造作法書藏諸巖穴歲月旣久樹皆合拱王於朝坐告諸臣曰吾以不德忝居大位天帝垂照夢賜靈書今在某山藏於某嶺於是下令營求得書山林之下羣官稱慶衆庶悅豫宣示遠近咸使聞知其大略曰夫生死無涯流轉無極含靈淪溺莫由自濟我以奇謀令離諸苦今此王城周二百里古先帝世福利之地歲月極遠銘記湮滅生靈不悟

大唐西域記卷四

八

遂沉苦海溺而不救夫何謂歟汝諸含識臨敵兵死得生人中多殺無辜受天福樂順孫孝子扶持親老經遊此地獲福無窮功少福多如何失利一喪人身三途冥漠是故含生各務修業於是人皆兵戰視死如歸王遂下令招募勇烈兩國合戰積屍如莽迄於今時遺骸遍野時旣古昔人骸偉大國俗相傳謂之福地

城西北四五里有窳堵波高二百餘尺無憂王之所建也甄皆黃赤色甚光淨中有如來舍利一升光明時照神迹多端城南行百餘里至俱_{去聲}茶僧伽藍重閣連甍層臺間峙僧徒清肅威儀閑雅從此東北行四百餘里至窳祿勤那國

境度

宰祿勤那國周六千餘里東臨殞伽河北背大山閻牟那河中境而流國大都城周二十餘里東臨閻牟那河荒蕪雖甚基址尚固土地所產風氣所宜同薩他泥濕伐羅國人性淳質宗信外道貴藝學尚福慧伽藍五所僧徒千餘人多學小乘少習餘部商摧微言清論元奧異方俊彥尋論稽疑天祠百所異道甚多

大城東南閻牟那河西大伽藍東門外有宰堵波無憂王之所建也如來在昔曾於此處說法度人其側又一宰堵波中有如來髮爪也舍利子沒特伽羅諸阿羅漢髮爪宰堵波周其左右數十餘所如來寂滅之後此國爲諸外道所誑誤焉信受邪法捐廢正見今有五伽藍者乃異國論師與諸外道

大唐西域記卷四

九

及婆羅門論義勝處因此建焉閻牟那河東行八百餘里至殞伽河河源廣三四里東南流入海處廣十餘里水色滄浪波濤浩汗靈怪雖多不爲物害其味甘美細沙隨流彼俗書記謂之福水罪咎雖積沐浴便除輕命自沈生天受福死而投骸不墮惡趣揚波激流亡魂獲濟時執師子國提婆菩薩深達實相得諸法性愍諸愚夫來此導誘當是時也士女咸會少長畢萃於河之濱揚波激流提婆菩薩和光汲引俯首反激狀異衆人有外道曰吾子何其異乎提婆菩薩曰吾父母親宗在執師子國恐苦飢渴冀斯遠濟諸外道曰吾子謬矣會不再思妄行此事家國綿邈山川遼負激揚此水給濟彼飢其猶却行以求前及非所聞也提婆菩薩曰幽途罪累

尚蒙此水山川雖阻如何不濟時諸外道知難謝屈捨邪見受正法改過自新願奉教誨渡河東岸至秣底補羅國中印度境秣底補羅國周六千餘里國大都城周二十餘里宜穀麥多花果氣序和暢風俗淳質崇尚學藝深閑呪術信邪正者其徒相半王戍陀羅種也不信佛法敬事天神伽藍十餘所僧徒八百餘人多學小乘教說一切有部天祠五十餘所異道雜居

大城南四五里至小伽藍僧徒五十餘人昔瞿拏鉢刺婆唐德論師於此作辯真等論凡百餘部論師少而英傑長而安敏博物強識碩學多聞本習大乘未窮元奧因覽毗婆沙論退業而學小乘作數十部論破大乘綱紀成小乘執著又製

大唐西域記卷四

十一

俗書數十餘部非斥先進所作典論覃思佛經十數不決研精雖久疑情未除時有提婆犀那唐言天單羅漢往來覩史多天德光願見慈氏決疑請益天軍以神通力接上天宮既見慈氏長揖不禮天軍謂曰慈氏菩薩次紹佛位何乃自高敢不致敬方欲受業如何不屈德光對曰尊者此言誠為指誨然我具戒苾芻出家弟子慈氏菩薩受天福樂非出家之侶而欲作禮恐非所宜菩薩知其我慢心固非聞法器往來三返不得決疑更請天軍重欲覲禮天軍惡其我慢憊而不對德光既不遂心便起恚恨即趣山林修發通定我慢未除不時證果

德光伽藍北三四里有大伽藍僧徒二百餘人並學小乘法

教是衆賢論師壽終之處論師迦濕彌羅國人也聰敏博達幼傳雅譽特深研究說一切有部毗婆沙論時有世親菩薩一心元道求解言外破毗婆沙師所執作阿毗達磨俱舍論辭義善巧理致清高衆賢循覽遂有心焉於是沈研鑽極十有二歲作俱舍論二萬五千頌凡八十萬言矣所謂言深致遠窮幽洞微告門人曰以我逸才持我正論逐斥世親挫其鋒銳無令老叟獨擅先名於是學徒四三俊彥持所作論推訪世親世親是時在磔迦國奢羯羅城遠傳聲問衆賢當至世親聞已卽治行裝門人懷疑進前諫曰大師德高先哲名擅當時遠邇學徒莫不推謝今聞衆賢一何惶遽必有所下我曹厚顏世親曰吾今遠遊非避此子顧此國中無復鑒

大唐西域記卷四

達衆賢後進也詭辯若流我衰耄矣莫能持論欲以一言頽其異執引至中印度對諸耆彥察乎眞僞詳乎得失尋卽命侶負笈遠遊衆賢論師常後一日至此伽藍忽覺氣衰於是裁書謝世親曰如來寂滅弟子部執傳其宗學各擅專門黨同道疾異部愚以寡昧狼承傳習覽所製阿毗達磨俱舍論破毗婆沙師大義輒不量力沉究彌年作爲此論扶正宗學智小謀大死其將至菩薩宣暢微言抑揚至理不毀所執得存遺文斯爲幸矣死何悔哉于是歷選門人有辭辯者而告之曰吾誠後學輕陵先達命也如何當從斯沒汝持是書及所製論謝彼菩薩代我悔過授辭適畢奄尔云亡門人奉書至世親所而致謝曰我師衆賢已捨壽命遺言致書責躬謝

咎不墜其名非所敢望世親菩薩覽書閱論沉吟久之謂門人曰衆賢論師聰敏後進理雖不足辭乃有餘我今欲破衆賢之論若指諸掌顧以垂終之託重其知難之辭苟緣大義存其宿志況乎此論發明我宗遂爲改題爲順正理論門人諫曰衆賢未沒大師遠迹旣得其論又爲改題凡厥學徒何顏受愧世親菩薩欲除衆疑而說頌曰如師子王避豕遠逝二力勝負智者應知衆賢死已焚屍收骨於伽藍西北二百餘步庵沒羅林中起窣堵波今猶現在

庵沒羅林側有窣堵波毗未羅蜜多羅

唐言無垢友

論師之遺身

論師迦濕彌羅國人也於說一切有部而出家焉博綜衆經研究異論遊五印度國學三藏元文名立業成將歸本國途

大唐西域記卷四

三

次衆賢論師窣堵波也拊而嘆曰惟論師雅量清高抑揚人義方欲挫異部立本宗業也如何降年不永我無垢友猥承末學異時慕義曠代懷德世親雖沒宗學尙傳我盡所知當制諸論令瞻部洲諸學人等絕大乘稱滅世親名斯爲不朽用盡宿心說是語已心發狂亂五舌重出熱血流涌知命必終裁書悔曰大大乘教者佛法之中究竟說也名味泯絕理致幽元輕以愚昧駁斥先進業報皎然滅身宜矣敢告學人厥鑒斯在各慎尔志無得懷疑大地爲震命遂終焉當其死處地陷爲坑同侶焚屍收骸旌建時有羅漢見而歎曰惜哉苦哉今此論師任情執見毀惡大乘墜無間獄國西北境菟伽河東岸有摩裕羅城周二十餘里居人殷盛清流交帶出

鍮石水精寶器去城不遠臨菟伽河有大天祠甚多靈異其中
有池編石爲岸引菟伽水爲浦五印度人謂之菟伽河門
生福滅罪之所常有遠方數百千人集此澡濯樂善諸王建
立福舍備珍羞諸醫藥惠施鰥寡周給孤獨從此北行三百
餘里至婆羅吸摩補羅國

北印度境

婆羅吸摩補羅國周四子餘里山周四境國大都城周二十
餘里居人殷盛家室富饒土地沃壤稼穡時播出鍮石水精
氣序微寒風俗剛猛少學藝多逐利人性獷烈邪正雜信伽
藍五所僧徒寡少天祠十餘所異道雜居此國境北大雪山
中有蘇伐刺拏瞿呬羅國

唐言金氏

出上黃金故以名焉東西長

南北狹卽東女國也世以女爲王因以女爲國夫亦爲王不

大唐西域記卷四

十三

知政事丈夫惟政伐田種而已土宜宿麥多畜羊馬氣候寒
烈人性躁暴東接土番國北接十闐國西接三波訶國從末
底補羅國東南行四百餘里至瞿毗霜那國

中印度境

瞿毗霜那國周二千餘里國大都城周十四五里崇峻嶮固
居人殷盛花林池沼往往相間氣序上宜同末底補羅國風
俗淳質勤學好福多信外道求現在樂伽藍二所僧衆百餘
人並皆習學小乘法教天祠三十餘所異道雜居大城側故
伽藍中有窣堵波無憂王之所建也高二百餘尺如來在昔
於此一月說諸法要傍有過去四佛座及經行遺迹之處其
側則有如來髮爪二窣堵波各高一丈餘自此東南行四百
餘里至堊醯掣呬邏國

中印度境

聖醯掣咀邏國周二千餘里國大都城周十七八里依據險固宜穀麥多林泉氣序和暢風俗淳質翫道篤學多才博識伽藍十餘所僧徒千餘人習學小乘正量部法天祠九所異道三百餘人事自在天塗灰之侶也城外龍池側有率堵波無憂王之所建也是如來在昔爲龍王七日於此說法其側有四小窣堵波是過去四佛座及經行遺迹之所自此南行二百六七十里渡殞伽河西南至毗羅刪拏國中印度境毗羅刪拏國周二千餘里國大都城周十餘里氣序土宜同聖醯掣咀邏國風俗猛暴人知學藝崇信外道少敬佛法伽藍二所僧徒三百人並皆習學大乘法教天祠五所異道雜居大城中故伽藍內有窣堵波基雖傾圯尚百餘尺無憂王

大唐西域記卷四

十四

之所建也如來在昔於此七日說蘊界處經之所其側則有過去四佛座及經行遺迹斯在從此東南行二百餘里至劫比他國舊謂僧迦舍國中印度境

劫比他國周二千餘里國大都城周二十餘里氣序土宜同毗羅刪拏國風俗淳和人多學藝伽藍四所僧徒千餘人並學小乘正量部法天祠十所異道雜居同共遵事大自在天城東二十餘里有大伽藍經製輪奐工窮剗剗聖形尊像務極莊嚴僧徒數百人學正量部法數萬淨人宅居其側

伽藍大垣內有三寶階南北列東西下是如來自三十三天降還也昔如來起自勝林土升天宮居善法堂爲母說法過三月已將欲下降天帝釋乃縱神力建立寶階中階黃金左

水精右白銀如來起善法堂從諸天衆履中階而下大梵王
執白拂履銀階而右侍天帝釋持寶蓋蹈水精階而左侍天
衆凌虛散花讚德數百年前猶有階級逮至今時陷沒已盡
諸國君王悲慨不遇疊以磚石飾以珍寶於其故基擬昔寶
階其高七十餘尺上起精舍精舍中有石佛像而左右之階
有釋梵之像形擬厥初猶爲下勢傍有石往高七十餘尺無
憂王所建也色紺光潤質堅密理上作師子蹲踞向階彫鏤
奇形周其方而隨人罪福影現柱中

寶階側不遠有窳堵波是過去四佛座及經行遺迹之所其
側窳堵波如來在昔於此澡浴其側精舍是如來入定之處
精舍側有大石基長五十步高七尺是如來經行之處足所

大唐西域記卷四

尸迹皆有蓮花之文基左右各有小窳堵波帝釋梵王之所
建也

釋梵窳堵波前是蓮花色苾芻尼欲先見佛化作轉輪王處

如來自在天宮還贍部洲也時蘇部底唐言善現舊日須扶

善吉也宴坐石室竊自思曰今佛還降人天導從如我今者

何所宜行嘗聞佛說知諸法空體諸法性是則以慧眼觀法

身也時蓮花色苾芻尼欲初見佛化爲轉輪王七寶導從四

兵警衛至世尊所復苾芻尼如來告曰汝非初見夫善現者

觀諸法空是見法身聖迹垣內靈異相繼其大窳堵波東南

有一也龍恒護聖迹既有冥衛難以輕犯歲久自壞人莫能

毀從此西北行減二百里至羯若鞠闍國唐言曲女城國中印度境也

大唐西域記卷四

大唐西域記卷四

音釋

秣菟

下兔字亦云未吐羅國名也或聖醯上於各反反掣昌列

風颯

苗下必鄙褻下音薛正垣堵也上音園垣牆下呼啼反反掣昌列

音薑亦

竄七亂反豺狼二字音柴郎也俘囚上方無反反隳廢上

彌反隳廢

宥過上音右也娉正併反矯居小珍滅上徒反噍類上

顏墮也

反殂落上在吾也綜子宋反衍那上音混胡本反瘦一領反項

反又音

腫時勇反脚也巨駢羅上步反涸池上音從也氓俗上音萌也亟記

棘遠也

湮滅上音因也葦屋棟也商推角反苦誑誤上音卦誑遼

負

下兄詠反懷挫反則臥鋒銳上音峯下羊惶遽下音顏徒

反

負笈下其業反豕猪音始也駁斥下音剝羞儲二字音于闐音

國名

輪奐下音剗厥斷割也又彫刻曲力也悲慨下苦愛壘

大唐西域記卷四

十七

倫水反墨結也泯絕上米忍反滅也

大唐西域記卷四音釋